

**CENTRALNA BANKA
BOSNE I HERCEGOVINE**
Broj: 150-15-4-808- 5 /19 SAK
Sarajevo, 15-05 2019. godine

Na osnovu člana 69. stav (2) tačka a), člana 70. stav (4) i (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (3) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine, donosi

O D L U K U
o poništenju postupka javne nabavke usluge izrade projekta sistema klimatizacije i ventilacije u arhivskom depou

Član 1.

Ovom odlukom se poništava postupak javne nabavke usluge izrade projekta sistema klimatizacije i ventilacije u arhivskom depou, putem otvorenog postupka (u daljem tekstu: otvoreni postupak), procijenjene vrijednosti u iznosu od 6.000,00 KM (slovima: šestiljada konvertibilnih maraka i 00/100), iz razloga što nije dostavljena nijedna ponuda u određenom krajnjem roku.

Član 2.

Za realizaciju ove odluke zadužuje se Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 3.

Ova odluka će se objaviti na web stranici Centralne banke Bosne i Hercegovine, www.cbbh.ba, u skladu sa članom 70. stav 6. Zakona o javnim nabavkama («Službeni glasnik BiH», broj 39/14).

O b r a z l o ž e n j e

Postupak javne nabavke usluge izrade projekta sistema klimatizacije i ventilacije u arhivskom depou, putem otvorenog postupka, pokrenut je Odlukom o pokretanju postupka, broj: 150-15-4-808-2/19 SAK od 22. februara 2019. godine. U skladu s tim, Centralna banka je 23. aprila 2019. godine na portalu Javnih nabavki objavila Obavještenje o nabavci broj: 1370-1-2-234-3-124/19. U tenderskoj dokumentaciji je bio određen rok za prijem ponuda 13. maj 2019. godine.

Komisija za provođenje postupka javne nabavke je konstatovala da u predviđenom roku nije dostavljena nijedna ponuda, te je u svom Izvještaju o radu komisije sa preporukom broj: 149-15-4-1415-3/19 od 13. maja 2019. godine, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.



Dostaviti:

- Uredu guvernera
- Viceguvernerima
- Uredu glavnog internog revizora
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za zajedničke poslove
- u spis predmeta (original)
- arhiva